



Iyini iGeneral anaesthetic?

iGeneral anaesthetic ngumutsi loniketwa umntfwana kute angeva lutfo, angaboni lutfo futsi nemiva yakhe ingasebenti nakahlindwa.

Yini i-Anaesthetist?

i-Anaesthetist (leyake ibitwe nge-anaesthesiologist) ngucwephesha wadokotela lekunguyena loniketa umntfwana i-anaesthetic aphindze amnakekele kute kube sekupheleni kwekuhlindwa. Umsebenzi wakhe kucinisekisa kutsi umntfwanakho uphephile, ungcebelekile futsi utfolo indlela yekudzambisa tinhlungu layidzingako.

Ngembi kwekutsi ute esibhedlela:

Umntfwanakho kufute umlungiselele ubuye umcacisele ngemagama lataweva abuye awawisise. Kwananawe njengemntsi kufute utfole teluleko leticacako ngekutsi umntfwanakho udla sikhatsini, anatseni ngembikweluhlo lwakhe. Kubalulekile kutilandzela letecwayiso njengoba lonkhe luhlobo lwekudla nemanti kungenyukela emphinjeni, kubese kumlimata emaphashini ngesikhatsi se-anaesthetic. Kute wente tintfo tibe melula emntfwaneni, uyacelwa kutsi ungadli nobe unatse embikwakhe.

Umntfwana angadla nje kudla lokumelula nobe anatselubisi lwenkhomo ema-awa lasitfupha ngembi kwekuhlindwa. Tinswane tona tingamunyiswa ema-awa lamane ngembi kwekuhlindwa. Bantfwana lesebakuhlakuhlile banganatsiswa emanti, ijusi yelihhabhula nobe i-Oros ema-awa ate abe noma mabili ngembi kwekuhlindwa, kodvwa hhayi bonamnedi netinatfo takaDairy letifana nejusti yeliwolintji.

Ngembi kwekuhlindwa:

Dokotela (pheceleti i-Anaesthetist) utakuvakashela egumbini lokulo ngembi kwekutsi uye egumbini lekuhlindzelwa. Siyacela kutsi usitjele ngebutsakatsaka lobukhona emtimbeni, kudla lokungakuphatsi kahle, usatise futsi nangabe umntfwanakho wake wahlindwa ngaphambilini. Nangabe umntfwanakho usuka ekugulweni ngumkhulane, nguphokisi nalokunye nje kugula lokubangelwa ngemakhata sicela usatise. Sitawkuchazisela nemibuto nobe ekukhatsatekeni longahle ube nako, sikunike netindlela letikhona letingasita umntfwanakho etinhlungwini nangabe kudzingeka.

Ngemabomu nje, singahambisa sikhatsi solo singenti inchubo yelususkw kwangaleso sikhatsi kute umntfwanakho atophepha. Loku sikwenta nangabe mhlawumbe umntfwanakho anekugula kwesifuba nobe asandza kudla. Labanye bantfwana kuyaye kubasite lokutfole lomutsi ngembi kwekuyongena egumbini lekuhlindzelwa ngoba kunciphisa kwetfuka nekukhatsateka. Loku ungabonisa ne-Anaesthetist yakho.

Kulala

Uvumelekile kungena egumbini lekuhlindzelwa nemntfwana. Ukhululekile kumphatsela kumphatsela intfo layitsandzako nalementa akhululeke, njengengubo yakhe layitsandzako, incwadzi noma umdola. Uvumelekile futsi nekumphatsela intfo langatilibatisa ngayo atokhona kulala, njengelucingo lwekudlala nobe umbukelise lifilimu ecingweni lakho. Lomutsi (iGeneral Anaesthetic) angawutsatsa njengayo yonkhe imitsi nobe bawufake ngekumjova emtsanjeni, noma kube yigesi abese uwudvonsa ngemakhala. Kodvwa dokotela (i-Anaesthetist) utawucale abonisane naye ngembi kwekutsi wena nemntfwana ningene egumbini lekuhlindzela. Sicela usatise nangabe umntfwanakho kukhona layinconotako kulelesetibiliwe tindlela. Labanye bantfwana bangahle bake bahlindwa ngaphambilini nobe batfola

imijovo tsite, ngako-ke bangahle babe netabo tindlela lebatinconotako. Nangabe umntfwanakho akhetha indlela yekutfole lomutsi ngemjovo, sitawucalwe simgobise ngemafutsa ekudzambisa buhlungu etandleni ngembi kwekungena egumbini lekuhlindwa.

Nangabe loluhlobo lwemutsi lutawutsatfwa ngekuphefumula nobe ngemakhala, sisebentisa sifonyo sekuphefumula lesivala buso nemphumulo yemntfwana. Labogesi bangaba neliphunga lelingasimnandzi kahle, kunganukisa kwemutsi wekususa pende wetinzipho nobe nobe ikoki pheni kepha abasibuhlungu. Loluhlobo-ke lungatsatsa sikhatsi lesidze kutsi lusebente kantsi-ke nemntfwana angaba nekuntjikota lokungakavami ngembikwekutsi alale. Loku kutintfo vele letivamisile futsi sitakukhulumisa ngato. Siyavisisa kutsi akusibo bonkhe Batali labangakhona kuta nobe kungena nemntfwanabo egumbini lekuhlindwa. Ngako-ke kute incindzetelo nobe kuphocolwa lokukhona nawungeke ukhona kungenisana naye. Sikhona kukubonela, sinakekele umntfwanakho.

Ekuchubekeni kwekuhlindwa:

Dokotela (i-Anaesthetist) utawuba nemntfwanakho kute kube sekupheleni kwemsebenzi, amcaphelisisa njalonjalo, amnikete yonkhe intfo layidzingako. Kungaba ngemanti, umutsi nalokunye langakudzinga kute adzambise buhlungu. Nasekuphele lenchubo yemsebenzi. Nasekuphele wonkhe umsebenzi, umntfwanakho utawutsatfwa ayiswe egumbini lekwelulama, lapho khona atawunakekelwa bahlengikati labacecshiwe. Nasekavuke ngalokuphelele nalomjovo sophelile emtimbeni, utawubitelwa legumbini lekwelulama kute utewuba naye. Siyacela umphatselwe intfo letamenta akhululeke, kungaba lithoyisi lakhe lalitsandzako, ingubo nobe libhodlela lakhe lavamise kunatsela kulo. Caphela kutsi umntfwanakho angahle abe nekudideka ngalenzawo latawube akuyo njengoba atawube angakayetayeli nemiphumela yemitsi latabe ayitsetse futsi angahle angakukhumbuli kahle nanawe nawuvela. Loku nako kuvamisile futsi kutawengca. Nanifika ekhaya, labanye bantfwana banekukunamatsela ngalokwecile kunalendlela lowetaye yona kantsi futsi baba nekuphatamisa betfuke nabalele emalangana. Kumcinisekisa kwakho nje kuphela ngiko lokudzingekako.

Imiphumela lengasimihle netingcinamba.

Linyenti lalemiphumela liya ngekuya linciphe, lisheshe liphele, futsi liyaphotiseka. Loku kufaka ekhatsi kuphelelwa ngemandla (ngaphandle kwekuhlanta), umphimbo lobuhlungu nekubandwa yinhloko. Umntfwanakho angaba nemajacamba nobe nje angatifa kahle kwesikhashane. Tinkinga letifaka ekhatsi kutondza imitsi nemijovoatikavami futsi tihlala ticashelwe. Tonkhe tingcinamba netinkinga letingavela ekucwaningweni nasekuhlindvweni kwemntfwanakho titawucatululwa nawe.

Bungoti.

Njengekushayela imoto yakho, kute inchubo lesingatsi ite bungoti, tindlela letisha tekudzambisa buhlungu, imitsi, tindlela tekucaphela nekucechesha tichubeka nekwenza lendlela (Anaesthesia) yekwelapha ibe melula.

Nawunemibuto mayelana nekwelashwa kwemntfwanakho, ukhululekile kuwucondzisa kudokotela wakhe (Anaesthetist).

March 2019